



RESOLUCIÓN DO 08 DE MAIO DE 2023 DA DIRECCIÓN XERAL DE DESENVOLVEMENTO PESQUEIRO POLA QUE SE CONVOCA UN CURSO DE RECOLECTOR/A DE RECURSOS ESPECÍFICOS CON TÉCNICAS DE MERGULLO NO INSTITUTO GALEGO DE FORMACIÓN EN ACUICULTURA (IGAFA) NA ILLA DE AROUSA

Lexislación vixente

- Decreto 152/1998, de 15 de maio, que regula as condicións para o exercicio do mergullo profesional na Comunidade Autónoma de Galicia
- Decreto 64/2008, do 27 de marzo, que regula a certificación profesional para a extracción de recursos específicos con técnicas de mergullo na Comunidade Autónoma de Galicia
- Orde do 23 de abril de 1999, que regula o exercicio de mergullo profesional na Comunidade Autónoma de Galicia. O artigo 32 establece que "no caso de que os cursos requiran a realización previa de probas físicas e/ou de compresión e tolerancia ao osíxeno, estas deben de ser convocadas previamente, debendo estar presentes na súa realización un representante da Dirección Xeral de Formación Pesqueira e Investigación, o instructor encargado da dirección do curso correspondente e persoal facultativo en medicina inscrito no censo previsto no artigo 43"
- Orde do 1 de outubro de 2008, que regula o procedemento de obtención da certificación profesional para a extracción de recursos específicos con técnicas de mergullo na Comunidade Autónoma de Galicia. O artigo 3.5. indica que "a proba final de coñecemento e avaliación de aptitude será realizada por un tribunal designado pola Dirección Xeral de Innovación e Desenvolvemento Pesqueiro, de acordo co Decreto 428/1993, do 17 de decembro, que estará formado por tres funcionarios/as docentes da Consellería de Pesca e Asuntos Marítimos, un dos cales actuará en calidade de presidente/a e outro/a de secretario/a, e polo/a mergullador/a instructor/a do curso"
- Decreto 210/2022, de 1 de decembro, polo que se modifica o Decreto 50/2021, do 11 de marzo, polo que se aproba a estrutura orgánica da Consellería do Mar, establece no apartado 1.c) do artigo 12 que a Dirección Xeral de Desenvolvemento Pesqueiro correspóndenlle a función de ordenación, dirección e coordinación das atribucións que ten asumidas a consellería en materia de ensino e titulacións náutico-pesqueiras e de lecer.

Tendo en conta o anteriormente exposto, a dirección xeral de Desenvolvemento Pesqueiro RESOLVE,

Convocar un curso de Recolector/a de Recursos Específicos con Técnicas de Mergullo

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal



no IGafa na Illa de Arousa para as persoas que superaron as probas físicas do día 2 de maio e non tiveron praza no curso de recolector de RE con técnicas de mergullo que se vai realizar no centro do 15 de maio ao 7 de xuño de 2023.

Primeira.- Requisitos das persoas candidatas (artigo 2 da Orde do 1 de outubro de 2008)

- Ter cumpridos os dezoito anos de idade
- Ter rematada a ensinanza académica obrigatoria
- Ter superado as probas físicas en piscina realizadas no IGafa o 2 de maio de 2023
- Superar as probas médicas de aptitude ao mergullo profesional segundo establecido no anexo IX da orde da Consellería de Pesca e Asuntos Marítimos do 23 de abril de 1999

Segunda.- Documentación a presentar no IGafa polas persoas aspirantes

- Solicitud normalizada segundo o anexo I da Orde do 1 de outubro de 2008
- Fotocopia do DNI ou NIE
- Fotocopia do documento que acredita ter rematada a escolarización obrigatoria

Terceira.- O curso terá lugar no Instituto Galego de Formación en Acuicultura (IGafa) na Illa de Arousa. As datas de presentación das solicitudes, de impartición do curso, así como os horarios e o número de prazas son as seguintes:

- Prazo de matrícula: do 9 ao 19 de maio de 2023
- Curso: do 8 ao 30 de xuño de 2023, en horario de tarde (15:00h-20:00h)
- Número de prazas: 12 prazas por curso. Se reservan 2 prazas para as persoas suplentes do anterior curso de recolector/a de recursos específicos con técnicas de mergullo, sempre e cando se matriculen no curso.

O listado de persoas para realizar a proba da cámara hiperbárica, previas ao curso, publicaranse o 24 de maio de 2023 na páxina web da Consellería do Mar e no taboleiro de anuncios do IGafa

Cuarta.- Proba da cámara hiperbárica previa a realizar o curso (artigo 4 da Orde do 1 de outubro de 2008).

Unha vez superadas as probas físicas deberán realizar o Test de comprensión e tolerancia ao oxíxeno hiperbárico, que consiste no seguinte:

- Descenso a 50 m.c.a. a unha velocidade máxima de 24 metros por minuto respirando aire, ascenso ata 18 m.c.a. respirando aire, xa na cota de 18 m.c.a. respirar oxíxeno medicinal durante 30 minutos, ao remate continuar respirando

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cm.dxdeseenvolvemento@xunta.gal



oxíxeno medicinal ata a superficie. Esta proba realizarase en cámara hiperbárica.

As persoas aspirantes o curso deberán presentar o día da proba da cámara hiperbárica, un certificado médico que as cualifique como aptas para facer esta proba. Este recoñecemento médico deberá ser realizado por persoal facultativo habilitado, tal como se establece no artigo 3.2 da Orde do 1 de outubro de 2008, que regula o procedemento de obtención da certificación profesional para a extracción de recursos específicos con técnicas de mergullo na Comunidade Autónoma de Galicia.

A data da proba de tolerancia ao oxíxeno hiperbárico se realizará o día 5 de xuño de 2023 ás 10:00 horas.

Quinta.- Criterios de selección dos/as candidatos/as

- O número de prazas do curso é de doce (12) e dous (2) suplentes. As persoas con dereito a facer o curso, sempre que se matriculen en prazo, serán aquelas que superaron as probas físicas realizadas o 2 de maio de 2023 no Igafa, por rigoroso orde de sorteo, e que non tiveron praza no curso do 15 de maio ao 7 de xuño de 2023.
- As persoas seleccionadas que non superen as probas de cámara hiperbárica quedarán excluídas do curso.

Sexta.- No suposto de que o número de persoas admitidas para realizar o curso sexa inferior ao número de prazas convocadas, a Dirección Xeral de Desenvolvemento Pesqueiro reserva para si o dereito a suspender, cancelar ou agrupar varias edicións dos cursos, caso en que empregará os medios de notificación ás persoas interesadas previstos na normativa vixente. Tamén poderá modificar as datas do curso, así como resolver todas as continxencias que poidan xurdir.

Sétima.- Equipamento necesario a aportar polo alumnado para poder realizar o curso de recolector/a de recursos específicos con técnicas de mergullo

- Traxe húmido de neopreno
- Escarpíns, aletas regulables, gafas e tubo de mergullo, cinto de chumbos de zafado rápido cuns 10 quilos, coitelo de mergullo e luvas de traballo.

Oitava.- As persoas seleccionadas para realizar o curso deberán presentar o primeiro día de clase o xustificante de ter pagado as taxas das probas de aptitude para a obtención do certificado de extracción de recursos específicos con técnicas de mergullo

Novena.- Nomeamento dos tribunais

- **Probas tolerancia ao oxíxeno hiperbárico:** 5 de xuño de 2023 ás 10:00 horas
Representante da administración: José Ventura Villar Estalote
Instrutor xefe: Marcelino González Maneiro

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvimento@xunta.gal



Facultativo en medicina: José Manuel Fernández Fernández

- **Exame de avaliación final do curso:** 30 de xuño de 2023 ás 16:00 horas

Presidente: Óscar Figueiro Touceda

Secretario: Enrique González Figueroa

Vogal: Isabel Paz Boubeta

Instrutor xefe: Marcelino González Maneiro

Contra esta resolución, que non esgota a vía administrativa, poderase interpoñer recurso de alzada perante a consellería do Mar, no prazo dun mes, desde a notificación da presente resolución, segundo se dispón nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

Santiago de Compostela,

A directora xeral de Desenvolvemento Pesqueiro

Asinado dixitalmente

Susana Rodríguez Carballo

CONSELLERÍA DO MAR
DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal

